

Pilipai Lenji Leta Pol Le Rorori Utu iviva

Pol le vaghiliya theghewoniye e tine va i wa e ghembake iyake, Pilipai, ina Masedoniya ele valiwannga. Pol le kaiwo na le vavaghare kaiwae gharighari vavana thi lonweghathi ko amba ekelesiya ina Pilipai e tine. (Hu thuweya Vakatha 16:11-40). Le vaghiliya theghetoniye e tine tembe ve thuwengiva ekelesiya Pilipai e tine (Vakatha 20:6). Va i ri gheko i wa Jerusalem, ko amba i wa Rom le kot kaiwae. Theghathagha umboiwo ve yaku e thiyoo Rom e tine. Ghayamoyamo ngoreiye va e mbanako iyako iyava i roriya letake iyake na i variye wengiya ekelesiya Pilipai e tine.

Pol le righe laghiye na i variya letake iyake kaiwae va nuwaiya i vata ago wengiya ekelesiya Pilipai e tine lenji mwaewo kaiwae, iyava thi variye weya amalaghiniye (1:15; 4:10-19). Pol tembe nuwaiyava i vavurighenghi na thi gharenja (2:1-11), na ghanjithanavu ngoreiya ralonwelonweghathi ghanjithanavu. Ravavaghare vavana thijava thongo Pilipai mbe thi ghambu vara Mosese le Mbaro amba ne valikaiwae Loi i wovathovuthovuyenangi, ko iyemaenge Pol i worangiya wengi mbe ra lonweghathi enge Krai ambane Loi i worumwarumwarunainda (3:1-11). Iya kaiwae Pol

i vavurighhehengi na thi ndeghathi vurigheghe lonweghathi emunjoru moli e tine.

Renuwana laghiye regha letake iyake e tine iye warari. Pol mbe ghamberegha vara le warari na le gharematuwo i govambwara, na i dage wenjiya Pilipai inja, “Mbanake wolaghiye hu warari, kaiwae kaero hu yaku weya Giya.”

¹ Ghino Pol ya roriya letake iyake weingu Timoti, ghime Krai Jisas le rakakaiwo, wo variye na i ghaona e ghemi ekelesiya Pilipai, weimiyangiya lemi randeviva na ghanjirathalavunji. Ghemi Loi le gharighari kaiwae kaero hu yaku weya Krai Jisas.

² Wo nanjo weya Loi Ramanda na ghanda Giya Jisas Krai gharenji e ghemi na lenji gharemalili i riyevanjara gharemina.

Pol i nanjo weya Loi Pilipai kaiwanji

³ Mbanake wolaghiye thonjo ya renuwana, ya vata ago weya lo Loi, ⁴ na mbanake wolaghiye thonjo ya nanjo taulaghina ghemi kaiwami, weingu lo warari ya nanjonanjo. ⁵ Lo warari righe kaiwae, i ri mbananiye va hu lonweghathi, weinguyangiya ghemi ra vethalathalavuinda na ra vakavakatha Toto Thovuye kaiwaniye gheghad noroke. ⁶ Na ya ghareghare wagiawe kaiwoke thovuye iyake Loi iya kaerova i woraweya righe e yawalimina, mbene i vakatha valawe vara gheghad mbananiye Krai Jisas ne i njoghama. ⁷ Ghemi mbe gharenjo vara wenja mbanake wolaghiye, na i thovuye moli e ghino ya

renuwanja ngoreiyako kaiwami. Kaiwae othembe e mbanjake inangu e thiyo tine na ya vamanjamanjala Toto Thovuye wenjiya rathighiya buda kaiwae i emunjoru na ma e ghanumoghegheiwo, vambe weinguyangi vara ghemi ra vethalathalavuinda e kaiwoke iya Loi, weiye le mwaewo va i wogiyake e ghino. ⁸ Loi i ghareghare, emunjoru moli mbe gharenju vara wenga taulaghina ghemi ngoreiya Krai Jisas i gharethovunga laghiye.

⁹ Ya nanjonango kaiwami na gharethovu thanavuniye mbe i mbuthumbuthu vara e yawalimina, na tembe ngoreiyeva Loi ghaghareghare i laghiye e gharemina na lemi renuwanja i rumwaru, ¹⁰ na mbala hu tuthi e thanavuke wolaghiye na iyanganiya i thovuye moli hu vakavakatha. Mbala ma e lemi thari o e ghamiwonjowe regha mbanja Krai Jisas ne i njoghama. ¹¹ Thanavu thovuye moli une iye i mena weya Krai Jisas i riyevanjara gharemina, na iyake kaiwae gharighari thi yavwatatawana na thi tarawe Loi.

Pol ghangaringari i vakatha Toto Thovuye i voru

¹² Lo bodaboda, nuwanguiya hu ghareghare, vuywoke iya thi yomarake e ghino i vakatha Toto Thovuye ma i voru enge. ¹³ Sisa ghayayao gharagatigat, weinjijangiya ghem-bako gharighariniyeko wolaghiye, kaero thi ghareghare Krai kaiwae iya ya ruke e thiyo. ¹⁴ Na reghava, lo ru e thiyoke i vakathangiya oghaghanda lemoyo lenji lonweghathi weya Giya kaero i vavurigheghe, na weinji lenji

gharematuwa, ma thi mararu thi ndethina Loi utuutuniye.

¹⁵ Ngoreiye, gharighari vavana thi yamwanja kaiwangu na nuwanjiya thi kivwalango na thi vavaghareṅa Kraiṣ utuutuniye, ko vavana thi warari enge kaiwangu na thi vavaghare.

¹⁶ Thiyeke iyake lo ru e thiyo une i yomara gharighari lemoyo thi ghareghare Toto Thovuye emunjoru, iya kaiwae thi gharethovungo na thi vavaghareṅa Kraiṣ. ¹⁷ Ko thiya vavanama, ma renuwaṅa thovuye e tine na thi vavaghare. Thi utunṅa Kraiṣ utuniye kaiwae nuwanjiya thi wovoreṅa idanji na thi kivwalango, na thi munjeva thi vatabo wovuyowoke mbaṅa amba inanguke e thiyo tine. ¹⁸ Ko e ghino ma bigi ngoreiye, ya warari enge. Othembe thonṅo lenji renuwaṅa i thovuye o lenji renuwaṅa i thari e ghino, Kraiṣ utuniye iya thi utunṅako, iyako kaiwae ya warari moli.

Mbwana, lo warari mbene i tubwembele vara, ¹⁹ kaiwae ya ghareghare lemi nanṅona une na Jisas Kraiṣ Une le thalavu kaiwae Loi ne i rakayathungo na ya rangi e thiyoke tine.

²⁰ Lo renuwaṅa e gharenguke laghiye mane ya monjinanṅa bigi regha, ko mbanake wolaghiye na mbe e mbanakeva iyake weingū lo gharematuwa na lo vakathake wolaghiye e tinenji ya wovavwenyevwenyenṅa Kraiṣ, othembe ne riwangu i thovuye o ya mare. ²¹ Iya kaiwae, e ghino thonṅo riwangu thovuye, Kraiṣ kaiwaya iyako. Na thonṅo ya mare, kaero ne ya thovuye moli. ²² Ko thonṅo mane ya mare, valikaiwae ne ya kaiwo na une ve yomara. Iya

kaiwae ma ya ghareghare iyannganiya ne ya tuthi. ²³ Renuwana theghewo thi momodingo. Nuwanguke nuwaiya moli ya iteta yawalike iyake na va yaku weingu Krai. I thovuye moliya iyako. ²⁴ Ko ghemi ghamithalavu kaiwae valikaiwae moli mbowo ya yaku e yambaneke. ²⁵ Ya ghareghare wagiya woiwae mbe inawe, na ya ghareghare mbowo ya yaku e yambaneke weinguyangiya ghemi na ya thalavunga lemi lonweghathina i vurigheghe na hu warari. ²⁶ Na mbanane ne ya njoghaona e ghemi lemi warari i laghiye moli weya Krai Jisas ghino kaiwangu.

²⁷ Bigi laghiye regha iyake: yawalimina ghalongalanga hu njimbukiki vakatha na ngoreiya Krai utuniye thovuye le worangiya. Na othembe thonngo ya ghaona ya thuwenga, o ya bwagabwaga moli e ghemi na mbema ya lonwenge utunimi, ne ya ghareghare lemi renuwana regha hu ndeghathi vurigheghewe, na hu rovurigheghe na regha hu vakathangiya gharighari thi lonweghathigha Toto Thovuye.

²⁸ Iya kaiwae thava hu mararangiya ghamithighiya. Thonngo hu vakatha ngoreiyako, ghamithighiyangi ne thi ghareghare ma e lenji vurigheghe na nevole i mukuwongi, na ne thi ghareghare ghemi hu vaidiya ghamivamoru kaiwae Loi i thalavunga. ²⁹ Hu ndeghathi vurigheghe kaiwae Loi i vatomwe na hu kaiwo Krai kaiwae. Ma mbe i vatomwenge na hu lonweghathigha amalaghiniye, ko tembe ngoreiyeva ne hu vaidiya vuyowo amalaghiniye kaiwae. ³⁰ Kaerova hu thuwengo ya rogaithi,

e mbanake iyake hu lonweya utuningu mbe

ghinoke ya rorogaithi. Rogaithiniye mbe reghaenje ghemi tembe hu rorogaithiweva.

2

Ra gharenja ngoreiye Krai

¹ Thongo kaiwae kaero hu tubwe weya Krai na i vakatha i mwanavairinga e yawalimina, thongo le gharethovu i yebubunga, thongo hu wo Une na lemi vighathi thovuye, na thongo gharemi wenjiya ghandane, ² kaiwae iyake emunjoru wo hu vakatha na lo warari i laghiye e lemi renuwana regha, hu vegharethovu wenga, e unemina regha na lemi ghamba ndeghathi regha. ³ Thava lemi renuwana hu munjeva mbe ghemi enge lemi renuwana nuwaiya hu vakatha o nuwamiya hu wovorenanga, ko iyemaenge weimi lemi gharenja wenjiya ghamunena na hu wovorenangi, ghemi thava.

⁴ Thava ghemi regha i renuwana na i munjeva i kaiwo ghamberegha le thovuye kaiwae, ko iyemaenge ghamunena lenji thovuye kaiwae hu kaiwo. ⁵ Hu wo renuwana iyake, iye Krai Jisas le renuwana. Ngoreiya iyake:

⁶ Iye mbanake wolaghiye mbe ngoreiye vara Loi, ko iyemaenge mava i rovirigheghe na mbala mboromboro weye Loi.

⁷ Ko iyemaenge i tabo bigi bwagabwaga, iye i tabo na ngoreiye rakakaiwo na i wo lolo ghayamoyamo.

⁸ I yomara ngoreiye lolo, na tembe ghamberegha i wonjaniya,

- I ghambugha Loi le utu gheghad i wa le mare kaiwae,
 othembe mare e kros vwatae.
- ⁹ Iyako kaiwae Loi i wovoreŋa e ghamba yaku yavoro moli,
 na idako iya i kivwala idake wolaghiye i rena idaewe.
- ¹⁰ Mbala rameburuburu,
 rameyambane, na thavala thi yayaku Thambe
 thi ronja e ghenji vuvuye
 Jisas idae ghayavwatata kaiwae,
- ¹¹ na taulaghiko thiŋa,
 “Emunjoru Jisas Kraisi iye Giya.”
 Thi utu na ngoreiyako, na thi wovavwenyevwenyenŋa Loi Ramanda.

Manjamanjalawamina i woya ngoreiya ghitar

- ¹² Wouna na valighareghareŋgu, mbe ngoreiya mbanake wolaghiye hu ghambugha ghalinŋangu, othembe ya mebwagabwaga e ghemi, e mbanake iyake weimi lemi mararu na lemi mbarimbariri weya Loi na hu rovurigheghe ghamithanavu ngoreiya gharighari valikaiwae Loi kaero i vamorunji. ¹³ Hu vakatha ngoreiyako, kaiwae Loi iye iya i kakaiwo e gharemina mbala valikaiwami thanavuko iya amalaghiniye nuwaiyako hu tuthi na hu vakatha.
- ¹⁴ Mbanake wolaghiye lemi kaiwo e tine, thava hu veliya ghamiutu o hu vedageghatuthi wengga, ¹⁵⁻¹⁶ na mbala thava ghamiwonjowe o lemi thari regha, iyemaenŋe ngoramiya Loi le ngamanŋama thovuthovuye gharighari

raraithari na wolaghiyeke e maranji. Totoko iya valikaiwae i giya yawaliko thovuye hu utuŋa wenji, na mbala manjamanjalawamina i woŋa e tinenji ŋgoreiya ghitaru i woŋa na i vakeke buruburuko. Thonŋo hu vakathu ŋgoreiyako, mbananiye Krai ne i njoghama ne ya warari, kaiwae lo rovurigheghe na lo kaiwo ma ya vakathu bwagabwaga e ghemi. ¹⁷ Ghemi lemi lonweghathina ŋgoreiya vowo hu vakavakathu weya Loi. Iya kaiwae othembe ne thi lŋgiya madibangu ŋgoreiya ravowovowo thi lŋgiya waen e vowo ghathetheghan vwatae, mbe ya warari enge, na weŋguyangiya ghemi ra warari kaiwami. ¹⁸ Na ghemi tembe ŋgoreiyeva hu warari na i vakathanŋa ŋgoreiya ghino lo wararike.

Timoti na Epapiroditas utuninji

¹⁹ Thonŋo Giya Jis le renuwana ŋgoreiye, nuwanŋuiya mbanu nasiye ya variya Timoti i ghaona e ghemi, na mbanu ne i njoghama, utunimi ne i vawarariŋango. ²⁰ Ya variye na i ghaona, kaiwae amalaghiniye le renuwana e ghareko ŋgoreiya ghino e gharenguke, na iye i rerenuwana laghiye moli ghamithalavu kaiwae. ²¹ Ghamauneko wolaghiye ma thi rerenuwana Jis Krai le kaiwo kaiwae, mbe thiye enge ghanjimberegha lenji kaiwo kaiwae thi rerenuwana. ²² Ko ghemi kaero hu ghareghare Timoti le kaiwo utuniye, wo kaiwo na regha weŋgu Toto Thovuye kaiwae, ŋgoreiya thegha na ramae lenji vakathu. ²³ Nuwanŋuiya ne ya vamaŋa na ya variye i ghaona e

ghemi, ko iviva wo ya vandenje lo kotike na ya ghareghare budakai ne i yomara e ghino. ²⁴ Ya varemijje Giya iye ne i vugha kamwathi e ghino, na mbaṅa nasiye amba ya ghaona ya thuwenḡa.

²⁵ Ko ya renuwaṅa nuwanḡuiya wo ya variya ghaghanda Epapiroditas na i njoghaona e ghemi. Iye lo valirakakaiwo na lo valiragagaithi Krai kaiwae, na iye lemi ravarivariye va i mena na i thalavunḡo. ²⁶ E ghareko nuwaiya moli i ghaona i thuwenḡa taulaghina ghemi. Ghare va i viri laghiye mbaṅa i lonḡwevaidiya ghemi va hu lonḡweya ghaghambwerako utuniye.

²⁷ Emunjoru va i ghambwera na mbalavama i mare, ko Loi va i ghareviru kaiwae na i vamoru. Ko ma mbe iyaenḡe, ghino tembe ḡgoreiyeva Loi i ghareviru kaiwanḡu, kaiwae thonḡo va i mare, le mareko nuwathariniye mbalava i vatabo le ghambwerako nuwathariniye e ghino na ma i laghiye enḡe moli. ²⁸ Iya kaiwae nuwanḡuiya moli ya variye na i njoghaona e ghemi, na mbaṅa ne hu thuwe, ne hu warari na ghino lo nuwatharike thava i laghiye.

²⁹ Weimi lemi warari Giya e idae hu kulavoreṅa. Gharighari ḡgoranjyako hu yavwatata wanḡi, ³⁰ kaiwae iye i vatomwe moliya yawaliye na mbalavama i mare Krai le kaiwo kaiwae, na amalaghiniye nuwaiya thalavuko iya ghemi ma valikaiwami ne hu vakatha e ghino iye ne i vakatha.

3

Pol i botewoyathu bigibigike wolaghiye Krai

kaiwae

¹ Lo bodaboda, lo utuutuke ghaghegovun iya e utuutuke thiyake: kaiwae hu yaku weya Giya, weimi lemi warari. Ma bigi regha e ghino thonjo mbanjake ya rorori e ghemi na tembe ya utunanjiva budakaiya vama ya rori na ya utunja e ghemi. Thonjo ya vakatha ngoreiyako, ne i thalavunga na thava hu vaidiya vuyowo.

² Hu njimbukikinga wengiya Jiu, thiye gharighari raraithari, thiye ngoranjingiya mbughambugha, thiye thi tena riwanji. ³ Ko iyemaenge ghinda kaero ra wo kiteniyathu thanavuniye moli, Loi Une le vurigheghe e tine ra kururuwe, iya Krais Jisas kaerova i vakathako weinda na kaero ra waranja, na ma ghinda ghandamberegha la thovuye o ra woraweya mbe ghandamberegha la vakatha ghamidi.

⁴ Thonjo nuwanjiya, valikaiwangu enge ya vareminje lo thovuye na lo vakathangi. Thonjo regha i renuwana ele righe na valikaiwae i vareminje vakatha ngoranjiyako, ghino lo righe lemoyo moli na valikaiwangu moli. ⁵ Va thi ghambingo na mbanja theghewa e tine ya wo kiteniyathu thanavuniye. Ghino Isirel loloniye regha, ya mena Benjamin gheuu tine, na orumburumbungu Hibru gharighariniye moli. Va ya ghambu wagiaweya Jiu lenji mbaro, kaiwae ghino Parisi lenji wabwi loloniye regha. ⁶ Mbanja va i vivako, ya munjeva ya vakavakatha Loi le kaiwo, ya giya vuyowo wengiya ekelesiya. Thonjo gharighari thi tuthiya wothanavu Mosese le mbaro e tine, ghino lolo thovuye regha. ⁷ Ko bigibigiko

thiyako va ya renuwan̄a yaŋaen̄ge lo ghamba thovuye, mban̄ake ya renuwan̄angi thiye lo ghamba dobu, na Kraiŋ le kamwathi en̄ge ya ghambu. ⁸ Mbowo yaŋava, ya ghareghareko iyako iye bigi laghiye moli, na renuwan̄ako wolaghiye gharerenuwan̄a ŋgoran̄jiya ghamba dobu. Kaiwae Kraiŋ Jisas wo Giya ghaghareghare i thovuye moli, i vakatha ya botewoyathun̄giya bigibigike wolaghiye, na ghan̄jirerenuwan̄a e ghino ŋgoran̄jiya bigi bwagabwaga, mbala ya van̄gwa Kraiŋ ⁹ na iye wou wo yaku na regha. Mban̄ake iyake ma ya rerenuwan̄a thon̄go ya ghambugha Mosese le mbaro na mbala Loi i wovarumwarumwan̄an̄go. Ko e mban̄ake iyake ya lon̄weghathigha Kraiŋ na Loi i wovarumwarumwan̄an̄go. Thovuye molike iyake i menawe Loi lon̄weghathi kaiwae. ¹⁰ Nuwan̄guiya vara ya ghareghareya Kraiŋ. Kraiŋ va i thuweiru mare e tine na i vurigheghe, iya kaiwae nuwan̄guiya ya wo le vurighegheko na ya ghareghare. Nuwan̄guiya ya ghatan̄a le viriko gheghad ne va mare ŋgoreiya amalaghiniye va i mare. ¹¹ Na lo lon̄weghathike ŋgoreiye e ghino Loi ne i van̄guthuweirun̄go mare e tine.

Rukuruku moda kaiwae

¹² Ma yaŋa Kraiŋ ghaghareghare kaero ya gharegharevao na ghino ŋgoran̄gwa lolo thovuye moli. Ko iyemaen̄ge ghino amba iyake ya rorovurigheghe, nuwan̄guiya ya wo Kraiŋ Jisas ghathan̄avu, ŋgoreiya amalaghiniye le renuwan̄a na i won̄go. ¹³ Lo bodaboda, ma ya rerenuwan̄a na yaŋa kaero ya mban̄ivao Kraiŋ

ghathanavu. Ko iyemaenge the bigibigiya va ya vakathangi ma ya rerenuwana kaiwanji, ko lo vurighegheke enge wolaghiye ya vatomwe na marangu mbe inawe vara budakaiya ina e ghamwanjuko kaiwanji. ¹⁴ Iya kaiwae mbe ya ruku na i ghembe vara na va vutha elo rukuko gheghad, na va wo modoko. Modoko iyako iye Krai Jisas Loi i kulanguwe na va vaidiya yawalingu moli e buruburu.

¹⁵ Thavala kaero lenji renuwana i matuwo, taulaghike la renuwana ngoreiya budakai kaero ma utuna. Ko thonjo bigi regha kaiwae na lemi renuwana mbe regha, Loi tembene i vamanjamanjalana e ghemi. ¹⁶ Iyemaenge bigi laghiye regha, thanavuko thovuye iya kaerova ra woko ra vikiki wagiya.

¹⁷ Lo bodaboda, ghamithanavuna mbala ngoreiya ghino wothanavuke, na lemi ghamba ghaghayawo hu wo wengiye gharighari thiye yawalinji ngoreiya yawaliko va hu thuweko weime. ¹⁸ Kaiwae gharighari lemoyo yawalinjiko i worangiye thiye Krai le mare e kros vwatae utuniye thi thighiyawana. Kaero mbanja i ghanagha ya giya yanawamiya iyake, na e mbanake iyake weingu lo randa na mbowo ya giyava yanawami. ¹⁹ The bigiya riwanjiko i nango thi vakatha, na riwanjiko ngoreiya lenji loi. The thanavu i monjimonjina thiye lenji ghamba sirari, na mbe thi rerenuwanaenge yambaneke bigibiginiye kaiwanji. Ne lenji ghambako, Loi ne ve mukuwongi. ²⁰ Ko iyemaenge ghinda ghambanda moli ina e buruburu na ghinda mbe iyake ra roroghagha

weya la Ravamoru ne i njama e buruburu, iye ghanda Giya Jisas Krai. ²¹ Iye le vurigheghe e tine bigibigike wolaghiye ne i bigirawe e gheghe raberabe na i mbaronangi, na vurighegheko iyako e tine ghinda riwandake iya njavonjavovoniye na viriviriniyeke, ne i vivi na i tabo ririwo thovuye moli ngoreiya amalaghiniye riwae.

4

¹ Lo bodaboda na valigharegharengu, ya gharethovunga, nuwannguiya moli ya thuwenga, na ghemi lo ghamba warari na lo ghamba sirari. Iya kaiwae hu ndeghathi vurigheghe weya Giya ngoreiya me lo utuutuko.

Thanavu valikaiwae ekelesiya thi vakatha utuninji

² Yuodiya na Sintike ya vavurigheghenanga na themighewona lemi renuwana regha, kaiwae ghemi kaero hu yaku weya Giya. ³ Na lo valirakakaiwo thovuye moliya ghen, ya nango e ghen na u wa vo thalavungiya wanakauke theunyiwoke thiyake na mbe theunyiwoko vara ghamwanji regha. Vambe weinguyangi vara wo rovrigheghe na regha Toto Thovuye ghakaiwo kaiwae, na vambe weimangiva Klement na worathalavuko wolaghiye, thiye idanji kaero Loi i rori yawali e ghabuk tine.

⁴ Mbanake wolaghiye hu warari kaiwae kaero hu yaku weya Giya. Na tembe yanava hu warari.

⁵ E ghamithanavuna mbe gharemi wenngiya ghamune. Mbanja nasiye Giya ne i njoghama.

⁶ Thava hu rerenuwana bigi regha kaiwae, ko thonjo bigi regha i kwara e ghemi, hu nango weya Loi weiye lemi vata agowe. ⁷ Na mbala Loi le gharemalili, iya gharigharike lenji thimba e tine ma valikaiwae ra ghareghare le laghilaghiye, gharemi na lemi renuwana i gana ghiliŋa, kaiwae hu yaku weya Krais Jisas.

⁸ Lo bodaboda, ya govuna lo utuutuke e utu-utuke thiyake. Bigibigi thovuthovuye molingi na bigibigi e ghanjitarawa — thiye emunjoru molingi, thiye thi rumwaru, thiye ma thari regha ina wenji, thiye ra yavwatata wanangi — ghanjirerenuwana i riyevanjara gharemina. ⁹ Thanavuko iyava ya vagharengako na hu ghareghare, thanavuko iya hu lonweya ya utuŋa na hu thuwe ya vakatha, thanavungiko thiyako hu vakatha valaŋa. Na gharemalili gha Loi i yaku e ghemi.

Pol i vata ago Pilipai lenji mwaewo kaiwae

¹⁰ Kaero hu vatoghanava renuwana na hu thalavungo na hu variya riwanjoke ghathalavu kaiwae, iyake kaiwae ya warari laghiye weya Giya. Ya ghareghare mbanake wolaghiye hu renuwanakikingo, ko kaiwae mava e ghakamwathi thovuye regha na hu varyewe.

¹¹ Ya utu ngoreiyako, ma gharerenuwana ngoreiya kaiwae ma elo bigibigi, ko kaiwae kaero wothanavu ngoreiye, thebigi kaero ya vaidi mbe ya warari enge kaiwae. ¹² Othembe ma elo bigibigi o elo bigibigi, yakuyaku ngoreiyako ghaminae kaero ya ghareghare. Othembe ghanju lemoyo o bada i gharinjo,

othembe ya riyevanjara o kokowangu, othembe budakai ne i yomara e ghino, ma ne ya nyivinyivi, mbema ya warari enge. ¹³ Krais i vavurighhehengo na le vurigheghe e tine bigibigike wolaghiye valikaiwangu enge.

¹⁴ Ko iyemaenge ghemi hu vakatha wagiyawe e ghino kaiwae hu thalavungo e wovuyowoke.

¹⁵ Ghemi Pilipai kaero hu ghareghare, mbanja va wombanja wareri e lemi valivanjana Masedoniya e tine, mbananiye va ya vavagharenakai vara Toto Thovuye e ghemi, mava te ekelesiya wabwi reghava i giya mani o bigibigi e ghino wothalavu kaiwae, mbe ghemienge vara. ¹⁶ Mbanja va inanngu Tesalonaika na i vuyowo e ghino, hu variya wothalavu vavana e ghino, ma ranja mbe mbanjara enge.

¹⁷ Lemi renuwana ne hunjaenge ya tamweya lemi thalavu, ko ya tamweya ghamithanavuko iyako mbe i mbuthumbuthu vara mbalavole Loi ve giya modami moli. ¹⁸ Bigibigike wolaghiye kaero ya vaidi na kaero ya riyevanjara. Kaero i mboromboro e ghino, kaiwae bigibigina va hu variye weya Epapiroditas kaero ya vaidingi.

Thiyake ngoreiya vowo butiye thovuye hu giya weya Loi, na Loi iye i warari laghiye na i wovatha vowo ngoranjiyako. ¹⁹ Lo Loi iye e bigibigike thovuthovuye wolaghiye veimaima na ndendewo, iya kaiwae thebigiya i kwara e ghemi, iye tene i vamboromborona e ghemi, kaiwae hu yaku weya Jisas Krais. ²⁰ Weya la Loi na Ramanda ra wovavwenyevwenyenja mbanjake wolaghiye ee ne i ndeko. Mbwana. Ngoreiye.

Pol i dage mwaewo

²¹ Hu giya lo mwaewo wenjgiya Loi le gharighari regha na regha, thavala thi yaku weya Krai Jisas. Labodaboda iya ya yakuke weinguyangi thi mwaewo e ghemi. ²² Loi le gharigharike wolaghiye e valivangake iyake thi mwaewo e ghemi, na thiye thi kaiwo Sisa ele ngolo thi mwaewo laghiye e ghemi.

²³ Ghanda Giya Jisas Krai ghare e ghemi.

Toto Thovuye Loi Ghalinae
Portions of the Holy Bible in the Sudest language of
Papua New Guinea
Buk Baibel long tok ples Sudest long Niugini

copyright © 2014 Wycliffe Bible Translators, Inc.

Language: Sudest

Dialect: Tagula

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-23

PDF generated using Haiola and XeLaTeX on 22 Feb 2024 from source files dated 31 Aug 2023

7a63d67b-b890-5db0-8880-b6fd64f3b62f